

Jednanski porjad

**Założboweje rady
Założby za serbski lud**

§ 1

Založbowa rada

- (1) Posedženja Založboweje rady wotměwaja so znajmjeńša jónu wob lěto. Předsyda/předsydka přeprošuje pisomnje wšitkich člonow Založboweje rady, zastupowacych člonow a předsydu/předsydku Parlamentariskeje přirady najpozdžišo štyri tydženje do posedženja z podaćom dnjoweho porjada. Kóždy člon Založboweje rady smě sčasom do tutoho termina dypki za dnjowy porjad zapodać.
- (2) Posedženja so wot předsydy/předsydki Založboweje rady, w padže zastupowanja wot jeho/jeje naměstnika/naměstnicy nawjeduja. Wo wjedženje protokola postara so založbowy zarjad.
- (3) Předsyda/předsydka zwěšća do spočatka posedženja přitomnosć člonow Založboweje rady a jeje wobzamknjenjakmanosć. Založbowa rada je wobzamknjenjakmana, jeli je znajmjeńša wosom z jeje člonow přitomnych. W běhu posedženja hodži so hłosowanske prawo wot rjadneho člona na jeho zastupjerja přenjesć, jeli dyrbi rjadny člon posedženje dočasnje wopušćić.
- (4) Založbowa rada schwali namjetowany dnjowy porjad. Wo namjetach za změny a wudospołnjenja rozsudža Založbowa rada z jednorej wjetšinu.
- (5) Direktor založby wobdžěla so na posedženjach Založboweje rady z poradźowacym hłosom. Wón smě dalšim sobudželaćerjam založboweho zarjada přikazać, so na posedženjach wobdžělic, jeli předsyda/předsydka w jednotliwym padže ničo druge njepostaja.
- (6) Zastupowacy člonojo Založboweje rady su woprawnjeni, so na posedženjach z poradźowacym hłosom wobdžělic, jeli je člon, kotrehož zastupuja, sam přitomny.
- (7) Na posedženjach Založboweje rady smědža so hosćo na přeprošenje předsydy/předsydki wobdžělic.

§ 2

Rěč

- (1) Na posedženjach Založboweje rady móžetej so němska a serbska rěč naložować. Při tym ma so zawěsćić, zo móža wšitcy člonojo Založboweje rady jednanja we wšěm scěhować.
- (2) W dopisowanju Založboweje rady a založboweho zarjada smětej so serbska kaž tež němska rěč wužiwać. Jeli je pismo w serbskej rěči spisane, so po potrebjce z podpismom pod němskorěčneje wersiju wopodstatni, zo je wobsah serbsko- a němskorěčneje wersije w samsnej měrje wjazacy.

§ 3

Přihot posedženjow Založboweje rady

Direktor sćeje člonam Založboweje rady, zastupowacym člonam kaž tež předsydy/předsydce Parlamentariskeje přirady podložki znajmjeńša 20 kalendrowych dnjow do posedženja.

§ 4

Wobzamknjenja

- (1) Založbowa rada rozsudža přez wobzamknjenje. W nuznych padach móže předsyda/předsydka Založboweje rady, w padže zastupnistwa jeho/jeje zastupjer/zastupjerka tež po puću pisomneho wothłosowanja k wobzamknjenjam dóńć. W předłoze ma so čas podać (nic předy hač 14 dnjow po wotpóslanju), po čehož wotběhu přihłosowanje jako date płáci. Za wobzamknjenja po puću pisomneho wothłosowanja je jednohłosnosć trěbna.
- (2) Wobzamknyć ma so w zjawnym wothłosowanju přez zběhnjenje ruki z jednorej wjetšinu wotedatych hłosow.
Do wothłosowanja so tekst wobzamknjenja wot protokolanta/protokolantki napisa a přečita.
- (3) Na próstwu jeničkeho člona Založboweje rady ma so tajnje wothłosować.
- (4) Při wothłosowanju dosaha přítomnosć jeničkeho, Zwjazk abo wotpowědny kraj zastupowaceho člona, zo bychy so hłosy Zwjazka/kraja wotedać móhli (§ 5 wotst. 2 čo. 2 do 4 wustawkow). W tutym padže móža so hłosy Zwjazka abo wotpowědneho kraja jenož jednotnje wotedać.
- (5) Jednanja Založboweje rady su zasadnje dowěrliwe. Winowatosć k dowěrliwosći wobsteji tež po wopušćenju Založboweje rady.

§ 4 a

Wuzamknjenje z wuradźowanja a wothłosowanja

- (1) Člon Založboweje rady po § 5 wotst. 2 čo. 1, 5 a 6 wustawkow je wuzamknjeny z wuradźowanja a wothłosowanja Založboweje rady w naležnosćach
 - a, přichodnych abo wrócoležacych přizwolenjow založby na přijimarja, ke kotremuž člon w trajnym dožnym poměrje steji;
 - b, přichodnych abo wrócoležacych přizwolenjow založby na přijimarja, ke kotremuž mandželski/mandželska abo žiwjenski partner/žiwjenska partnerka člona w trajnym dožnym poměrje steji, tež hdyž mandželstwo abo žiwjenske zhromadženstwo wjace njewobsteji;
 - c, přichodnych abo wrócoležacych přizwolenjow založby na přijimarja, ke kotremuž w runej liniji přiwuzni abo přiženjeni člona w trajnym dožnym poměrje steja;
 - d, w kotrychž hewak strach wobsteji, zo móhli po wěcy cuze zajimy město založbowych wuradźowanje a wothłosowanje Založboweje rady, wosebje

wotłosowanske zadđerženje potrjeheneho člona bytostnje wobwliwować.

(2) Trajnemu dołžnemu poměrej so runa, jeli rezultowachu abo rezultuja

- a, z wjace hač jednoho zrěčenskeho poměra abo
- b, we wobłuku zrěčenskeho poměra prawidłowne

bytostne wukony (penježne abo penjezam rune) přijimarja přizwolenjow napřečo w § 4 a wotst. 1 mjenowanym wosobam.

(3) Kóždy člon Založboweje rady inkluziwnje potrjeheneho ma prawo, hač k wobzamknjenju k naležnosći w zmysle § 4 a wotst. 1 próstwu wo wuzamknjenje člona z wuradźowanja a wobzamknjenja zapodać.

Zapodar próstwy ma swoju próstwu wopodstatnić. Potrjehenemu poskića so składnosć, so wuprajíc. Předsyda/předsydka Založboweje rady smě sej žadać, zo zapodar próstwy a potrjeheny přednesene wobstejnosće wěřejepodobnje předstajtaj.

(4) Próstwa wo wuzamknjenje člona smě so po wobzamknjenju k naležnosćam w zmysle § 4 a wotst. 1 jenož stajíc, jeli zapodar próstwy wěřejepodobnje předstaji, zo bu přizjewjena přičina zapodarjej próstwy hakle po wobzamknjenju znata.

Při wobzamknjenjach k naležnosćam w zmysle § 4 a wotst. 1 njepřitomni smědža próstwu wo wuzamknjenje jenož stajíc, jeli wěřejepodobnje předstaja, zo žanomu z přitomnych přičina wuzamknjenja znata njebě. Pozdžiše próstwy móža so jenož w běhu dweju tydzenjow po tym stajíc, zo bu přičina znata abo by dyrbjała znata być (pozdžiše wědženje) abo zo bu wobzamknjenje k naležnosćam w zmysle § 4 a wotst. 1 (pola přitomnych) znate abo by dyrbjało znate być.

(5) Wo wuzamknjenju rozsudža Založbowa rada bjez sobuskutkowanja potrjeheneho. Rozsud njeje třebny, jeli ma potrjeheny próstwu za wopravnjenu. W padže wuzamknjenja člona přewozmjje jeho zastupjer hłosowanske prawo.

(6) Wobzamknjenje Založboweje rady k wuzamknjenju hodži so jenož wotprěć, jeli je so próstwa wo wuzamknjenje člona wotpokazała. Za potrjeheneho to njeplaći, jeli potrjehenemu do wobzamknjenja k wuzamknjenju žana móžnosć data njebu, so wuprajíc.

(7) Wobzamknjenje k naležnosćam w zmysle § 4 a wotst. 1 hodži so jenož wotprěć, jeli je so tute wobzamknjenje docpěło ze sobuskutkowanjom člona, kotrehož wuzamknjenje bě Založbowa rada kaž horjeka wopisane wobzamknyła.

§ 5

Wuhódnoćenje posedzenjow

(1) Wo wuslědku jednanjow a wo wobzamknjenjach Založboweje rady ma so spis zhotowić, kotryž předsyda/předsydka a protokolant/protokolantka podpisataj. Wobzamknjenja maja so po słowje protokolować. Načisk protokola so člonam Založboweje rady w měsacu po wotpowědnym posedženju posrědkuje. Tući maja 14 dnjow chwile, so k tomu wuprajíc.

- (2) Po wotběhu časa a předžětanju posrědkuje so protokol člonam a zastupowacym člonam Založboweje rady kaž tež předsydzě/předsydce Parlamentariskeje přirady.

§ 6 Založbowa komisija

- (1) Nadawki Založboweje komisije su we wustawkach Založby za serbski lud w § 6 wotst. 2 definowane.
- (2) Direktor založby přepróšuje člonow komisije pisomnje najpozdzišo dwaj tydzenjej do posedženja z podačom dnjoweho porjada.
Kóždy člon Založboweje komisije smě sčasom do tutoho termina dypki za dnjowy porjad zapodać.
- (3) Založbowa komisija schadźuje so po potrebjce.
- (4) Posedženja nawjeduje direktor založby, w padže zadžěwanja jeho zastupjer.
Wjedženje protokola je nadawk založboweho zarjada.
- (5) Direktor sćeje podložki člonam Založboweje komisije najpozdzišo 10 (džělowych) dnjow do posedženja.
- (6) Jednanja Založboweje komisije su zasadnje dowěrliwe. Winowatosć k dowěrliwosći wobsteji tež po wopušćenju Založboweje komisije.
- (7) Hewak płaća po zmysle předpisy § 2 a § 5.
- (8) Doporučenja Založboweje komisije (§ 8 wotst. 3 wustawkow) smědža so na posedženjach abo po puću pisomneho wothłosowanja wobstarać.

§ 7 Direktor

- (1) Direktor wuwjeduje wobzamknjenja Založboweje rady a Založboweje komisije a rjaduje běžne a jemu přenesene naležnosće založby.
Wón rozsudža we wěcach, dalokož po wustawkach přihłosowanje Založboweje rady třěbne njeje.
- (2) Direktor wudžěta plan rozrjadowanja džělowych wobłukow, kotryž postaja organizaciju založboweho zarjada kaž tež kompetency jednotliwych sobudžělaćerjow.
Založbowa rada so wo planje informuje.
- (3) W padže njepřitomnosće direktora wukonja so džělo wot zastupowaceho direktora. Službne jězby direktora, kotrež překroča normalny wobłuk (wjace hač pjeć dnjow w jednotliwym padže), a wukrajne jězby maja so předsydzě/předsydce Založboweje rady do nastupa jězby přizjewić.
- (4) Najpozdzišo hač do 15. oktobra běžneho hospodarskeho lěta předpožži direktor

Założbowej komisiji naćisk hospodarskeho plana za přichodne hospodarske lěto. Naćisk wopřija hospodarske plany wot założby institucionelnje spěchowanych zarjadnišćow. Do toho ma direktor hospodarske plany z wotpowědnymi institucijemi wujednać.

- (5) Z wotběhom naslědneho hospodarskeho pollěta předpołoža direktor naćisk za kónclětne wotličenje założbowym gremijam k pruwowanju.

§ 8

Płaćiwosć jednanskeho porjada

- (1) Jednanski porjad je Założbowa rada na swoim posedźenju dnja 1. měrca 2000 wobzamknyła a posledni króć dnja 26. nowembra 2013 změniła.
- (2) Z tutym wobzamknjenjom nabudže jednanski porjad płaćiwosće.